




Broj: 01/1-50 - 3-1-24/16
Veza broj: 01,-02-02-1-30/15
Sarajevo, 1. 2. 2016.



PREDSJEDAVALAČU PREDSTAVNIČKOG DOMA

Na osnovu člana 120. u vezi s članom 122. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH”, br. 79/14, 81/15 i 97/15), Ustavnopravna komisija Predstavničkog doma Parlamentarne skupštine Bosne i Hercegovine podnosi sljedeći

IZVJEŠTAJ o Prijedlogu zakona o izmjenama i dopunama Zakona o upravi

Predstavnički dom je na 23. sjednici, održanoj 12.1.2016., u prvom čitanju usvojio Prijedlog zakona o izmjenama i dopunama Zakona o upravi, čiji je predlagač Vijeće ministara BiH, koji se razmatra po osnovnom zakonodavnom postupku.

Ustavnopravna komisija je na 24. sjednici, održanoj 1. 2. 2016., razmatrala Prijedlog zakona o izmjenama i dopunama Zakona o upravi u drugoj fazi pred nadležnom komisijom.

Amandmane na tekst prijedloga zakona podnijeli su: Vijeće ministara BiH i poslanik Šefik Džaferović.

Nakon rasprave Komisija je usvojila sljedeće amandmane koji glase:

Amandman I.

Član 3. Prijedloga zakona mijenja se i glasi:

"Član 52. mijenja se i glasi:

"Član 52.

Unutrašnja organizacija organa uprave utvrđuje se pravilnikom o unutrašnjoj organizaciji.

Pravilnik o unutrašnjoj organizaciji ministarstva donosi ministar uz saglasnost Vijeća ministara.

Pravilnik o unutrašnjoj organizaciji samostalne upravne organizacije donosi rukovodilac samostalne upravne organizacije, uz saglasnost Vijeća ministara.

Pravilnik o unutrašnjoj organizaciji upravne organizacije u sastavu ministarstva donosi ministar na prijedlog rukovodioca upravne organizacije u sastavu ministarstva, uz saglasnost Vijeća ministara.

U postupku donošenja pravilnika o unutrašnjoj organizaciji organa uprave, institucija Bosne i Hercegovine, drugih pravnih lica iz člana 2. ovog zakona i službi iz člana 49. stav 1. ovog zakona, donosilac pravilnika dužan je prethodno pribaviti mišljenja Ministarstva pravde, Ministarstva finansija i trezora i Ureda za zakonodavstvo Vijeća ministara.

Pravilnik o unutrašnjoj organizaciji organa uprave i službi iz člana 49. stav 1. ovog zakona mora biti usklađen s nadležnostima propisanim zakonom, kao i s principima o unutrašnjoj organizaciji organa uprave, koje odlukom propisuje Vijeće ministara.“

Amandman II.

U članu 7. Prijedloga zakona, koji se odnosi na član 58., u stavu 5. riječ „člana" ispred riječi: "Parlamentarne skupštine" zamjenjuje se riječima: „predsjedavajućeg i zamjenika predsjedavajućeg doma“.

Amandman III.

U članu 4. Prijedloga zakona dodaje se stav 1. koji glasi:

„U članu 55. u stavu 2. riječ „konstitutivnog“ briše se.“

U članu 4. Prijedloga zakona dodaje se stav 2. koji glasi:

„U članu 55. u stavu 3. riječ „konstitutivnog“ briše se.“

Dosadašnji stav 1. postaje stav 3.

Amandman IV.

Član 22. Prijedloga zakona briše se, a članovi 23. i 24. postaju članovi 22. i 23.

Nakon rasprave Komisija je s pet glasova „za“ dva glasa „protiv“ i bez glasova „suzdržan“:

- usvojila tekst Prijedloga zakona o izmjenama i dopunama Zakona o upravi sa usvojenim amandmanima i predlaže Predstavničkom domu njegovo usvajanje.

Komisija je za izvjestiteljicu na sjednici Predstavničkog doma imenovala prvu zamjenicu predsjedavajućeg Ustavnopravne komisije Aleksandru Pandurević.

PRVA ZAMJENICA
PREDSEDAYAJUĆEG KOMISIJE

Aleksandra Pandurević

Dostaviti:

- Kolegiju Predstavničkog doma
- a/a